


TAKAFULINK DANA EKUITI PLUS

HELAIAN FAKTA DANA UTAMA



TAKAFUL & KAMI

Takaful secara literal bermaksud tanggungjawab, keterjaminan, jaminan kolektif dan usahasama. Secara umum, takaful adalah berasaskan pertolongan bersama (Ta'awun) berdasarkan prinsip-prinsip kesepakatan dan solidariti, merangkumi unsur-unsur perlindungan dan kepentingan bersama. Takaful ditakrifkan di bawah Seksyen 2 Akta Perkhidmatan Kewangan Islam 2013, iaitu perkiraan berasaskan pertolongan secara kolektif yang di bawahnya peserta takaful bersetuju menyumbang kepada satu dana yang sama bagi menyediakan manfaat kewangan bersama untuk dibayar kepada peserta takaful itu atau kepada benefisiarinya pada masa berlaku sesuatu kejadian yang telah dipersetujui terdahulu.

Bergantung pada model takaful yang diluluskan, sumbangan peserta akan disalurkan ke dana berasingan untuk pelaburan. Dana-dana* kami hanya dilaburkan di dalam pelaburan patuh Syariah, dalam dan luar negara. Setiap pelaburan dibuat selepas mengambil kira risiko dan pulangan yang terlibat.

Di Prudential BSN Takaful Berhad (PruBSN), kami mendukung nilai-nilai ini melalui amalan profesional bagi menyediakan segala keperluan peserta. Nilai-nilai ini amat jelas dalam setiap transaksi sekaligus menjadikan kami sebagai pilihan berhemat.

Melalui rangkaian agensi dan rakan niaga, kami menyediakan pelbagai produk inovatif yang melindungi setiap aspek kehidupan anda. Daripada perlindungan ke simpanan dan keperluan kerohanian, setiap produk kami direka untuk memberikan ketenangan minda anda.

** Dana-dana Takafulink adalah instrumen pelaburan patuh Syariah.*

TAKAFULINK DANA EKUITI PLUS

Ciri-ciri Dana

Objektif Pelaburan	Takafulink Dana Ekuiti Plus (Dana) bertujuan untuk memaksimumkan pulangan jangka panjang dengan melabur dalam portfolio aset domestik dan asing termasuk ekuiti patuh Syariah dan sekuriti berkaitan ekuiti patuh Syariah, deposit Islam, atau sebarang instrumen kewangan Islam lain secara langsung, dan/atau secara tidak langsung melalui pelaburan dalam mana-mana dana Islam seperti dana-dana berkaitan pelaburan yang ditetapkan oleh kami, skim-skim pelaburan kolektif Islam dan/atau dana-dana dagangan bursa Islam.
Strategi & Pendekatan Pelaburan	Dana bertujuan untuk mencapai objektifnya dengan melabur dalam portfolio terpelbagai skim pelaburan kolektif Islam (Dana Sasaran) yang melabur dalam ekuiti patuh Syariah, dan sekuriti berkaitan ekuiti patuh Syariah di Malaysia dan luar negara. Dana Sasaran akan dipantau untuk menilai prestasi, proses, kaedah dan kedudukan. Peruntukan kepada, atau Dana Sasaran mungkin berubah jika dianggap tidak sesuai untuk memenuhi objektif Dana. <i>Nota: Rujuk kepada pernyataan tambahan untuk butiran Dana Sasaran.</i>
Peruntukan Aset	• Sehingga 100% Nilai Aset Bersih (NAV) Dana dalam Dana Sasaran; dan • Baki NAV Dana yang tidak dilaburkan di dalam Dana Sasaran akan dilaburkan dalam instrumen pasaran wang Islam.
Tanda Aras Prestasi	80% Indeks Syariah EMAS FTSE Bursa Malaysia (FBMS) + 20% Indeks MSCI World Islam <i>Maklumat lanjut mengenai FBMS boleh didapati daripada laman web Bursa Malaysia, https://www.bursamalaysia.com/.</i> <i>Maklumat lanjut mengenai Indeks MSCI World Islam boleh didapati daripada laman web MSCI, https://www.msci.com/.</i>
Pengurus Dana	Eastspring Al-Wara' Investments Berhad (200901017585 (860682-K))

Yuran & Caj

Caj Wakalah Pengurusan Aset	1.50% setahun
Caj-caj Lain	Termasuk: • Yuran audit • Caj lain yang dibenarkan

TAKAFULINK DANA EKUITI PLUS

Penyataan Tambahan untuk Takafulink Dana Ekuiti Plus

Takafulink Dana Ekuiti Plus disalurkan ke dalam Dana Sasaran berikut:

- i. Eastspring Investments Dana al-Ilham, yang diuruskan oleh Eastspring Al-Wara' Investments Berhad.
- ii. iShares MSCI World Islamic UCITS Exchange Traded Fund (ETF), menjejak Indeks MSCI World Islam. ETF ini diuruskan oleh BlackRock Asset Management Ireland Limited.

Sila ambil perhatian bahawa anda akan dikenakan caj tahunan *Wakalah* pengurusan aset sebanyak 1.50% pada peringkat Dana dan tiada caj tahunan *Wakalah* pengurusan aset pada peringkat Dana Sasaran.

Prestasi Dana

Sejarah Prestasi Dana untuk Takafulink Dana Ekuiti Plus adalah seperti berikut:

Tahun	Prestasi Sebenar	Tanda Aras^^
2024	15.93%	11.91%
2023	6.14%	5.50%
2022	(8.07%)	(10.10%)
2021**	(2.61%)	(3.01%)

** Prestasi dana adalah dari tarikh pelancaran dana pada 18 September 2021 sehingga akhir tahun bagi tahun yang sama (pulangan bukan tahunan).

^^ 80% FBMS + 20% Indeks MSCI World Islam

TAKAFULINK DANA EKUITI PLUS

Prestasi Dana

Sejarah Prestasi Dana untuk Dana Sasaran adalah seperti berikut:

Tahun	Eastspring Investments Dana al-Ilham	iShares MSCI World Islamic UCITS ETF
2024	22.04%	3.02%
2023	1.92%	28.90%
2022	(9.06%)	(6.55%)
2021	1.04%	25.84%
2020	17.42%	6.24%
2019	5.31%	20.75%
2018	(6.19%)	(7.46%)
2017	10.47%	7.43%
2016	(3.89%)	12.23%
2015	10.67%	16.83%

Asas pengiraan prestasi sebelumnya:

$$= \frac{\text{NAV}^* \text{ untuk tahun } n}{\text{NAV}^* \text{ untuk tahun } n-1} \% - 100\%$$

* NAV di sini merujuk pada Nilai Aset Bersih Dana.

Nota Penting: Prestasi lampau Dana bukan satu petunjuk untuk prestasi masa hadapan. Ini adalah prestasi untuk dana pelaburan semata-mata, bukan pulangan yang diperolehi daripada sumbangan sebenar yang dibayar untuk produk takaful berkaitan pelaburan.

Harga Hadapan

Unit diwujudkan dan dibatalkan pada tarikh penentuan harga berikutnya selepas penerimaan sumbangan atau pemberitahuan tuntutan.

Faktor Risiko & Strategi Pengurusan Risiko

Sila rujuk Lampiran 1 untuk Faktor Risiko dan Strategi Pengurusan Risiko yang terperinci.

TAKAFULINK DANA EKUITI PLUS

Maklumat Lain	
Pasaran Sasaran	Peserta yang mempunyai toleransi risiko yang tinggi dan jangka masa pelaburan yang sederhana hingga panjang.
Asas & Kekerapan Penilaian Unit	• Penentuan harga unit dilakukan setiap hari. • Harga unit dikira berdasarkan pada nilai pasaran aset-aset sandaran Dana, perbelanjaan bersih dan dibahagikan mengikut bilangan unit yang dikeluarkan. • Nilai Dana ialah nilai semua aset dana Takafulink tertentu selepas ditolak perbelanjaan untuk mengurus, memperoleh, menyelenggara dan menilai aset dana tersebut, cukai (jika ada) atau levi berkanun lain yang ditanggung oleh Syarikat ke atas pendapatan pelaburan atau keuntungan modal ke atas aset Dana dan sebarang pendapatan terakru atau jangkaan. • Dana tidak membayar sebarang dividen. Semua pendapatan dan keuntungan modal secara automatik dilabur semula dalam harga unitnya. • Harga unit ialah harga tunggal di mana unit diwujudkan dan dibatalkan. • Tarikh penilaian ialah tarikh seperti yang ditentukan oleh PruBSN dari semasa ke semasa, tetapi tidak kurang kerap daripada sekali sehari, untuk tujuan menentukan harga unit. • Harga unit Dana akan dinilai pada akhir setiap hari perniagaan (Tarikh Penilaian), Bagaimanapun, oleh kerana nilai pelaburan Dana semasa akhir Tarikh Penilaian berkaitan hanya akan diketahui pada hari perniagaan seterusnya, penentuan harga unit Dana untuk Tarikh Penilaian berkenaan hanya akan diterbitkan dan dimaklumkan selepas 2 hari perniagaan seterusnya (T+2).
Keadaan Pengecualian	• PruBSN boleh menggantung harga unit dan menangguhkan pengeluaran atau penebusan unit, mahupun beralih kepada mana-mana dana, di bawah Dana ini untuk tempoh yang munasabah, misalnya intervensi yang mengakibatkan penutupan sementara mana-mana bursa saham atau penggantungan saham tertentu di mana Dana dilaburkan. Dalam keadaan sedemikian, notis untuk penggantungan mungkin dikeluarkan dan mungkin dimaklumkan kepada Peserta bagi permintaan untuk penambahan, pertukaran, penebusan atau pengeluaran kepada/dari mana-mana dana Takafulink tersebut. • PruBSN boleh menggantung penentuan harga unit dan urus niaga sijil jika Pengurus Dana Sasaran menggantung langganan kepada Dana Sasaran tersebut. <i>Senarai keadaan pengecualian di atas adalah tidak lengkap, sila rujuk dokumen sijil anda untuk butiran lanjut.</i>

TAKAFULINK DANA EKUITI PLUS

Maklumat Mengenai Dana Sasaran

Eastspring Investments Dana al-Ilham

Strategi Pelaburan

Dana Sasaran bertujuan untuk mencapai objektifnya dengan melabur dalam portfolio ekuiti patuh Syariah yang dinilai rendah dan sekuriti berkaitan ekuiti patuh Syariah dengan potensi pertumbuhan yang baik***.

Dana Sasaran diuruskan secara aktif. Bagaimanapun, kekerapan aktiviti dagangan bergantung kepada peluang pasaran dan penilaian oleh Pengurus Dana Sasaran.

**** baik secara amnya merujuk kepada pertumbuhan pendapatan yang berpotensi lebih tinggi daripada purata pasaran.*

Maklumat lanjut mengenai Eastspring Investments Dana al-Ilham boleh didapati daripada <https://www.eastspring.com/my/>.

iShares MSCI World Islamic UCITS ETF

Strategi Pelaburan

Untuk mencapai objektif pelaburannya, Dana Sasaran akan melabur, mengikut cara yang konsisten dengan Syariah, dalam portfolio sekuriti patuh Syariah, setakat yang boleh dilaksanakan dan mungkin, terdiri daripada sekuriti-sekuriti komponen Indeks MSCI World Islam, Indeks Tanda Aras Dana Sasaran. Dana Sasaran berhasrat untuk meniru komponen Indeks Tanda Aras dengan memegang semua sekuriti yang membentuk Indeks Tanda Aras dalam perkadaran yang serupa dengan perkiraan mereka dalam Indeks Penanda Aras.

Untuk meniru Indeks Tanda Aras tersebut, Dana Sasaran boleh melabur sehingga 20% daripada NAV dalam saham patuh Syariah yang diterbitkan oleh entiti yang sama. Had ini boleh dinaikkan kepada 35% untuk satu penerbit tunggal apabila keadaan pasaran yang luar biasa berlaku.

Maklumat lanjut mengenai iShares MSCI World Islamic UCITS ETF boleh didapati daripada <https://www.ishares.com/uk>.

Penafian:

Helaian fakta dana utama ini disediakan oleh Prudential BSN Takaful Berhad ("PruBSN") untuk maklumat am dan tujuan ilustrasi sahaja dan tidak sepatutnya dijadikan asas untuk membuat keputusan pelaburan, kewangan atau keputusan-keputusan lain. Walaupun bahan-bahan yang digunakan dalam penyediaan profil dana ini diperolehi daripada sumber-sumber yang boleh dipercayai, PruBSN tidak menjamin ketepatan dan kesempurnaan maklumat. Sebarang analisis dan pendapat yang dinyatakan adalah tertakluk kepada perubahan tanpa notis. Prestasi masa lalu tidak menjamin keputusan masa hadapan. Para pembaca dinasihatkan untuk menghubungi PruBSN atau ejen-ejenjnya untuk butiran lanjut dan penjelasan maklumat yang berkaitan dengan produk yang ditawarkan oleh kami. PruBSN dan mana-mana syarikatnya yang berkaitan menafikan sebarang liabiliti walau apa pun sifatnya, sekiranya para pembaca mengalami kerugian apabila mereka hanya bergantung kepada kandungan maklumat di dalam profil dana ini.

TAKAFUL

Untuk Semua. Untuk Kehidupan

Prudential BSN Takaful Berhad merupakan Pengendali Takaful yang berdaftar di bawah Akta Perkhidmatan Kewangan Islam 2013 dan dikawal selia oleh Bank Negara Malaysia.

Prudential BSN Takaful Berhad 200601020898 (740651-H)
Tingkat 13, Menara Prudential, Persiaran TRX Barat, 55188 Tun Razak Exchange, Kuala Lumpur.

Talian Khidmat Pelanggan: +603 2775 7188
E-mel: customer@prubsn.com.my

www.prubsn.com.my



*Semua maklumat dianggap sah pada tarikh penerbitan.
Terbitan Mei 2025.*